

la viktor medranos cu finti la'e lu la viktor  
zei pemci li'u i zasti fa le pemcrxaiku e le  
pemcrsenriu e le pemci vrici

ni'oni'o 2011.11.30moi

ni'o

fa la liazanas  
le nanmu ca'o citka  
i daplu nicta

ni'o

ra'i le botpi  
aucai ca pinxe la glog  
i jbari moklu

ni'o

ga'u le jubme  
la pampkin pais cu zasti  
i ca'o citka

ni'o

le vi pa'arbau  
cukta ne'i le tanxe  
cu zeki'omei

ni'o

lojbo terjukpa  
i aucai uacai citka  
le lojbo cidja

ni'oni'o 2011.12.01moi

ni'o zifre tarmi pemci

i ne'i le prulamdei mi pu citka  
ne'i la kiyn bok palys poi za'e cidjrkoreia  
i cidjrbulgogi tanxe i zo'odai djabei

i mi ca pilno lo skami i nigte i 01.41moi i  
ba'a citka la bluberis pais

ni'o pemcrlimeriki

i citka lo sanmi co bakni  
i roda cu gletu lo nakni  
i melbi fa roda  
ra'i le bu'uzda  
i roda cu pinji co nukni

ni'oni'o 2011.12.05moi

ni'o zifre tarmi pemci

i ne'i le vondei po'u le muddydei mi pu citka

ne'i la somom ze i gusta to la NAMbrnain toi  
i mi citka le tadjrtcili xarju je sudga bo  
nabysko je mlana bo stasu e le rutrxuatrmelo  
fomsle tcati e le spatrbambu fonmo je  
rutrpaupau

i ne'i le mlana jubme lo melbi bunre nanmu  
cu citka lo crino stagrgailani e lo rasyjukpa  
finpe e lo nabysko

ni'oni'o 2011.12.06moi

ni'o pemcrxaiku ni'o

le rutni ckafi  
cu co'a vrusi melbi  
to burxekri toi

ni'o

loi blabli xanto  
cu cadzu ne'i loi triccu  
to glagroute toi